

分宜縣志卷十五

寓賢

名賢久羈之地其流風餘韻類足興起後人所謂曠  
世相感也鈴山南苑若鷄足表嶺間東漢節義之芳  
躅到今猶傳又如袁公朱子文靖虞公偶一經過有  
留題詩文載在志乘高風固可想也固屬久羈諸君  
子彙次為傳得七人焉志寓賢

漢

雷義  
袁閔

唐

羅隱

宋

朱子

元

虞集

明

楊子將 張嗣光

後漢

雷義字豫公

鄱陽人初為郡功曹舉善人不伐其功嘗

濟人冤罪却其金後舉孝廉拜尚書郎為人引罪順

帝詔除刑義歸舉孝廉讓於陳重刺史不從義遂佯任

出走鄉里為之語曰膠漆自謂堅不如雷與陳三府同

時俱辟二人皆不仕同隱居鷄足山卒遂合塋今其地

名陳雷里

後漢書卷八十八 人物志

按後漢書雷義本傳稱義後為守灌謁者旋拜監察

御史除南頓令卒官而陳重本傳亦稱重與義俱拜

尚書郎義黜退重亦以事免復舉人才除細陽令拜

監察御史據此似二人無隱鷄足山卒同塋事人物

志與後漢書不合不知其何所本也今通志府縣志

皆仍其說仍列諸流寓書所疑以待攷

袁閎不知何處人東漢時豫章太守陳蕃薦閎可登三事  
安車蒲輪徵之不就及黨禍作閎築土室隱居七峯之  
麓遂名其山為袁嶺嶺在分宜西北十五里下有隱居

故宅遺址

參嘉靖府志及通志

唐

羅隱字昭諫新登人本名橫十上不中第遂更名從事湖

南歷淮潤皆無合曾寓居宜春東境之儒林鄉

今隸分宜縣北

二十五里

讀書其間有藏書洞車書路洗硯池遺跡至

今猶號羅隱讀書臺隱好觀形勝遍遊邑北各村落到  
處皆留鈴語轉相傳說僉呼為羅隱秀才後為著作佐

郎歷給事中少聰穎作詩文多諷刺為主有甲乙詩

集年七十七終

參全唐詩錄及府縣志

按紀事云隱初隱池之梅根浦自號江東生昭宗聞

其名欲以甲科處之大臣奏隱雖有才然多輕易明

皇聖德猶橫遭乎譏謗其事遂寢北夢瑣言云隱頻

不得意頗怨望為貴遊子弟所排擊則壯時落拓不

羈可知其偶寓讀書於此或是從事湖南無合時而

土諺流傳亦其有才而多輕易之一端也今臺名猶

存其地已成榛莽

宋



朱子名熹字元晦號晦菴婺源人年十八登進士第歷官  
至煥章閣待制授詔進講遭偽學之禁不竟其用乾道  
間訪張栻於潭州與論中庸之義深相契合遂冒風雪  
登南嶽以詩文相規切取道東歸時值隆冬歷萍鄉過  
袁州經分宜同林擇之范伯崇賦詩紀行稱袁州道中  
多奇峯秀水怪石清泉并及石乳洪陽之勝以不及往  
遊為惜及洵分宜江亭遂絕江往遊南山徙倚空亭扶  
筇江畔興甯題脫作一絕句志之太夫人方在堂急歸  
侍養後立朝僅五十日章疏數十上不用晚年講學著  
書卒年七十有一崇祀孔廟今升祀十哲

朱子文集

元

虞集字伯生崇仁人父汲宋丞相允文四世孫也由蜀郡  
僑寓臨川以集從吳草廬澄遊遂占籍崇仁歷官至奎  
章閣侍講學士集學有本原為詩古文粹然成一家言  
歐陽原功稱其文優裕為一代大著作手詩與楊仲宏  
范梈揭傒斯齊名恒自許為漢庭老吏後至元丁丑集  
因事過袁州經分宜詢諸生趙良請為陳辰翁德星父  
子捐修明倫堂作記舉李觀張栻子朱子之記表學者  
為分宜勗旨美而詞文又舟過邑境之福勝寺與寺僧  
一初偈和七律詩有爐烟達座寒留宿缺月窺簷夜誦



詩之句一初又答集五律亦曰偶攜天上月來繫寺前

船其所至文采風流可想卒謚文靖泰道園學古錄

按朱子及虞文靖偶然經過留題非久僑居者比而

江山文物勝跡增重特詮次立傳以示宗仰

明

楊子將泰和人少師楊文貞士奇之父也元至正甲辰鄉

邦寇亂舉家徙避於邑之十七都鳳皇山下數歲士奇

生居無何子將歿母夫人陳氏始攜士奇歸泰時為洪

武元年遺址尚存前志

張嗣尤宜興人元末以父故元任分宜教諭甫三月卒嗣

光以九歲遺孤託聖陵姚氏以存存田齋縣馬遂占

分宜四世孫崇宏治四年選貢任壽州牧前志

按故元為分宜論名列秩官其子嗣光少孤流落乃

真僑寓也故稍因舊志而更定之

分宜縣志卷十六

列女

昔劉子政立列女傳以昭壺行范蔚宗因之厥後史冊及通志郡邑志皆為編載分邑宋以前無可考自元以來或視死如歸以烈著或未婚守志以貞著或姑藥撫孤以節著或謹事翁姑以孝著要皆攸關風化不可泯沒者而壽母亦以次附焉志列女

元

陳允淵妻袁氏元季兵亂邑萬戶王同者聞袁羨殺其夫欲取之婦曰夫為我死我何以生遂自刎

明一統志



歐陽嵩未婚娶孫氏洪武間嵩當戍遼陽參議他適即自  
縊其曰友吾夫未去使知吾無異志也通志

黃固真未婚妻彭氏淑貞以誠女固真年九歲因叔子澄  
死難牽連被戮時淑貞纔十歲通大義誓不再適終節

母家紡績置義田八十四畝以遺母族歿年六十有三  
袁烈女名懿貞父子良為明太常鄉黃子澄姪婿靖難禍

作子良就拘子彥昂彥輝彥溫並在緝中良姪彥英泣  
請彥溫出逃以延宗祀時懿貞亦力勸其兄彥溫如英

言自為男子衣冠待緹卒至與彥英爭先伐死死之

陳壽妻某氏未成婚壽得癩疾其父托媒辭絕女

竟歸壽壽以惡疾不敢近女事之三年不懈壽念已之  
疾不可瘳徒以負其婦乃私市砒欲自盡婦知之竊飲

其半冀與俱殞壽服之大吐而疾愈婦亦嘔出不死夫  
婦偕老生二子家道日隆人以為貞烈之報孫章書

歐陽鳳妻鄧氏安福僉事鄧秀女年十九歸鳳鳳歿無嗣  
守節自誓宏治中旌表通志

生員李慶鍾妻周氏年二十餘夫亡無子父黨欲議他適  
誓死不移旌表通志

生員袁應霍妻趙氏袁應槐妻黃氏趙年二十黃年二十



一夫亡俱無子甘貧茹苦六十餘年萬歷中旌表 通志

周曉妻魯氏年二十四曉亡撫遺孤守節歷七十餘年萬

歷十三年旌表 通志

增生贈御史黃夢龍妻趙氏豪龍早卒趙甘貧守節子希

憲成進士歷官少司空趙享年八十同時黃夢麟妻潘

氏黃夢豹妻鍾氏悉早寡守志三節同堂希憲疏請於

朝詔旌表 通志

生員李廷璋妻嚴氏年十七歸廷璋二十生子夫亡矢志

撫孤拮据紡績順治壬辰巡按張公嘉旌其門 前志

生員袁士賓妻李氏夫亡上事舅姑下撫孤子孀居五十

餘年壽九十 通志

生員趙壁妻宋氏年二十四壁亡二孤一遺膝撫育勞瘁

茹苦勵操鄉黨稱焉 通志說作劉壁從嘉靖志改正

國朝

生員嚴克讓妻袁氏年十六歸讓夫亡子甫六月姑老且

病氏矢志堅守事姑弗替訓子有成督學蔡旌匾云貞

操茂祉 舊志

歐陽光繡妻劉氏蓉玉母家安福年十八襁未暮兒歸寧

兵卒至蓉玉同母王氏携兒急避後圍圍有沼騎排突

入揮刀叱咤劉氏與母並嬰兒躍入水死之 舊志安福志並載

嚴雲華妻鍾氏貌寢不為夫所悅結褵後舉一子華以容  
死鍾年僅十九貧且無依有勸以他適者且哭且拒之  
抗節撫其孤兒金石之操歷五十餘年如一日府志  
歐陽先妻宋氏先為明季諸生值鎮兵殘掠鄉邑義不受  
辱罵賊死宋年二十八誓以身殉繼念翁年高子光緝  
方數齡乃強為宗祀計日夜嚙指泣血撫循孤兒訓以  
大義逮下慈惠而節操嚴凜持門戶稱女丈夫嘗有僉  
報之令光緝幾籍農民賴母奔訴得脫其他內患外侮  
洵加茶蓼中卒銷彌捍禦克保無事守節四十年卒於  
諫歐堪善作貞松篇紀其事光緝後以明經任南城

諭府志

恩貢嚴一桂總妻賈氏其先金陵人隨父家於燕京一桂  
納為繼室會明季劇寇雲擾所在鋒鏑梗途一桂子身  
南歸與賈以暮年約既逾期都城遂陷其母屢逼以他  
適且曰滄桑至此嚴公子存亡安知乎賈以死拒母命  
截髮矢不二天屹不能奪迨定鼎後南北道稍通賈易  
男子服裝走數千里歸里門鄉黨皆詫歎為奇女子既  
歸執婦道維謹服勤安儉嘗親炊糜賑饑助一桂成義  
舉貞操淑行當代競歌咏其事新城司成魯瑗為之序  
子開禧開祐刻藏於家以孫宗誥貴一桂贈如其官賈



為恭人府志

夏侯槐妻任氏年二十八夫故誓以身殉族鄰密防得免  
矢志撫孤子煒熹焯俱成立足不踰閭巷功外罕見其  
面諸孫椿昱鼎瑜璧俱賴慈蔭列青衿歿年八十有三  
邑庠生康大經妻顏氏年二十四夫歿守節儉約持家頗  
著能聲

生員嚴一晃妻王氏年二十四一晃歿堅志撫孤以針指  
佐翁姑養殮知縣霍秉仁旌以栢節鶴齡匾額守節五  
十八年卒年八十有二

黃之珩妻林氏年二十五夫亡上無翁姑可倚筑筑孑立

撫兩歲孤兒紡績為生倍嘗艱苦督課孤與屢列邑牌  
及見其孫抱奇食廩饑後抱奇中康熙丙子鄉舉任洛  
川令引年歸高安大傅朱文端軼追贈額曰節苦棠甘  
陳燦未婚之妻吳氏二英年十八嫁有日矣其夫病亡烈  
女聞訃搶呼披麻穿孝欲奔喪守志其母強之不令前  
往女於是夜遂閉戶投繯以殉越日面色如生

黃尚遠妻張氏夫亡時氏年二十三孝順翁姑教子邦佑  
為邑諸生已而邦佑病故氏忍痛茹藥撫養孤孫以延  
夫祀姑年八十餘多病氏奉湯藥罔懈姑歿喪塋如禮  
苦節三十四年歿



生員袁一煥妻黃氏年二十六夫故矢志守節撫孤宏志  
宏學並入縣庠雍正三年督學沈翼機額旌其閭卒年  
七十七歲

邑增生彭錫桓妻李氏年三十一夫亡遺孤源宏甫二歲  
氏志堅貞孝事翁姑婦兼子職撫孤源宏為名諸生貢  
入成均雍正二年甲辰督學沈翼機旌以節時松筠匾  
額

生員袁楫妻李氏大姚知縣松生女幼習禮訓年十六歸  
袁甫二載夫歿子未週晬李日夜慟不欲生父諭之曰  
汝夫一脉繫汝是顧忍以一死謝責耶乃飲痛強起

孤讀父書成立孝事繼姑戚黨稱之督學李鍾僑額旌  
其閭府志

宋一珊妻彭氏二十五歲夫亡無子矢志守節上奉翁姑  
撫姪為嗣以勤儉起家撥田七畝入祠為夫永遠辦祭  
資督學李鍾僑旌以冰節流芳匾額

彭陵妻趙氏夫亡時年二十八矢志撫孤家貧紡績度日  
上奉孀姑甘旨下撫孤子成立督學李鍾僑以荻穎貽  
徽旌其閭守節三十四年卒

宋廷璫妻彭氏年二十四夫亡事姑撫孤孝慈備著儒學  
劉斯組贈以片石金心匾額壽八十二卒

袁梅妻郭氏于歸三載而寡念病姑無依孤兒莫撫茹荼  
含葉勵節不渝者數十年雍正六年詳請入祠府志

郭文煒妻張氏夫亡誓以身殉姑諭曰八旬老翁九月孤  
兒含汝將安托乎張痛心強自存活數十年終翁姑養  
撫兒成立雍正六年詳請入祠府志

庠生趙三錫妻彭氏年二十餘撫孤守節奉事繼姑三十  
餘年歿同族趙廷柯妻歐陽氏年二十三歲守節家極  
貧長子甫四齡夫歿後三月遺腹生次子氏紡績佐生  
教育二子成立又趙廷槐妻劉氏青年矢志始終不渝  
趙廷楊妻傅氏夫亡矢志或強之改節她二孤自投江

附生嚴宗堯妻袁氏年十八歸宗堯以孝順稱年二十二  
夫亡遺孤秉公方襁褓氏堅志守節家故貧藉十指以  
奉舅姑訓課秉公為諸生年七十四卒

庠生張學渠妻李氏年二十五夫歿痛不欲生顧念翁姑  
年老藐孤生甫七月飲痛矢志俯仰交資府志

張致浩妻袁氏青年夫亡貞一自守孝事舅姑撫其子成  
立雍正十年 旌表府志

周桓侯妻蕭氏年二十一夫故無子家計窘甚十指養姑  
督學姚旌之府志

增生嚴宗寅繼妻張氏夫歿時年二十四自惟身不宜



男忍痛矢志撫夫弟次子為嗣旋復短折茹荼集蓼五十餘年大守薄履青旌以操凜水霜匾額年八十二卒生員張世竣妻鍾氏父為帥府幕挈家遇盜鍾奮身躍入湖中得不死父母奇之擇所適歸竣字坤喬故明司寇承詔曾孫有雋才未弱冠即以詩文名力學攻苦年二十四卒鍾痛甚引錐刺一目眇誓以死守孝事舅姑撫幼叔有恩世竣遺詩曰二二集集以紀年且悲歎奇而易之以偶故名鍾手為編輯屬夫弟世城丐序於當世知言者梓以行世人以鍾賢明有禮為不愧女師云雍正十三年 旌表 府志

生員王昭鏞繼妻金氏年二十守節撫兩遺孤有恩視同已出孝事翁姑生養死塋一律於禮持家甘儉約惟隆師肅賓務從豐厚鶯溪為邑南孔道暑月氏出貲設茶兼施草屨惠周族隣口不言德雍正五年學使李鍾儵贈額曰九母嗣徽乾隆元年 恩准建坊旌表入祀節孝祠子浚邑增生次源歲貢生孫廷謨邑諸生 府志

貢生李楮繼室謝氏年二十六而寡撫六月兒素服終其自篝燈績絛為課讀資雖戚屬罕見其面乾隆二年

旌表 府志

黃廷珍妻袁氏十八歸黃又十載而寡遺一子方二齡窘



不能自存日傭針指奉翁姑無缺禮撫孤汝泰有成水  
操四十餘年督學趙大鯨旌其廬

府志

鍾紹傳妻黃氏年二十三夫故矢志撫孤內外整肅督學  
趙知縣楊並以額旌

生員嚴開稔妾李氏生一女夫歿氏年二十一依正室黃  
氏守節其母欲奪其志氏痛哭不食曰主母方為夫主  
立後吾何敢有貳心黃年老目眊李服侍三十八年始  
終無懈守節四十六年卒

廩生鍾恒妻黃氏年二十七夫故氏事翁姑如禮教子成  
立鄉俗多溺女者抱以歸戒膳哺之月餘以歸其母

之柔過女流好陳說古今果報事守節六十二年卒

學兩旌其門

府志

張世城妻宋氏年二十七夫志服儉習勤諳於大義姆氏  
鍾先以節著既校例得旌親族議並舉氏曰從一  
而終分也門祚不幸一為甚矣恐邀異數而重行例予  
願勿復言居恒肅壺範温恭慈惠實有賢聲課子尚純  
入國學壽八十年

鍾琳妻曹氏年十八歸琳三載琳歿氏孝養翁姑撫孤成  
立金石之標始終勿渝乾隆五年建坊

旌表

府志

習皆啟妻羅氏年二十三子甫週歲失所天一痛幾絕念

姑老子幼堅志守節家徒壁立勤十指以資薪水督學  
何旌其廬曰德懋松標訓子文沐動遵禮法婦道母儀  
樹範閭閻年九十一卒又習廷亮妻鍾氏茹苦夫志標

凜冰霜 府志

林育侃妻鍾氏年二十歸育侃舉二子育侃物故氏年二  
十五苦操撫孤子孤姪守節五十五年卒

李仕成妻袁氏年二十六夫故遺孤幼弱氏堅志撫之成  
立茹藥飲水始終一節學使金德瑛額旌其廬

吳兆行妻鍾氏年二十三歲夫亡氏念姑老子幼堅貞白  
矢仰事俯育孝慈兼盡撫孤曰竹成立丁卯督學金德

瑛旌以冰操完貞匾額守節五十二年曰竹死妻趙氏

年二十二矢志撫孤苦節亦如其姑子大仁為邑諸生

生員楊邦吉妻王氏孝事繼姑克盡婦職夫亡歷四十年

勤紡績以課其子長子師淵貢生仲子師游以選貢歷

任知縣事聞 詔旌之 府志

府庠生嚴聞貽妻黃氏年二十四夫故翁姑俱前歿無他

子黃勵節苦守以紡織佐養祖姑撫二孤襁褓中經涉

險難卒以成立冰操懿行翕然稱族黨間隣嘗有益警

戒無驚節婦家火及舍自滅咸以為節孝所感督學金

德瑛追旌其門曰貞節女師 府志



生員黃銘中妻林氏于歸八載夫亡誓相從地下其鄰人勸之曰汝夫無子有母汝死母將何依由是忍死奉姑撫繼承祧以淑慎慈惠聞於鄉乾隆九年旌表府志

廩貢嚴宗朗妻張氏新興知州張聯珂之女夫亡守節撫夫弟宗期之子秉恭為嗣其妾張氏年十九入侍纔五閱月失所天同正室守節相依以為命正室歿後氏駁歷艱辛老而勿懈府志

生員林鳴鳳妻嚴氏生二子夫歿氏年二十七撫孤成立孝事孀姑姑氏袁年八十餘患疽氏侍病三月疽潰不避腥穢以口吮之膿血至潰其面絕無雜色日用粉

脂作羹以進姑疽愈人以為孝感

彭俊昇妻羅氏年二十二夫亡守節撫孤家貧藉針指度日上奉翁姑下撫孤子成立年七十二卒

府庠生李嘗妾王氏年二十五守節撫孤隆師教子椿槐為邑諸生乾隆乙丑督學金德瑛以艱貞壺範額旌其

問

邑庠彭煒妻李氏年二十六夫歿時翁姑並無他子氏堅志撫二歲孤冀其成立居無何孤年十七天折氏痛不欲生顧念承祧無人鬼且饒而泣求姑勸翁納妾劉氏生子燾甫數齡翁姑與劉先後逝氏撫育教養十四年

又立從姪境以承夫祀年六十一卒

黃恭英妻萬氏年二十夫故飲泣矢守撫夫弟子雲龍為

嗣事翁姑克盡婦職及析產不以自私聽夫弟管理乾

隆十一年知縣周額旌其閭卒年九十歲

彭傳芳妻歐陽氏夫亡時年二十二矢志撫孤教養婚配

俱資十指守節五十五年卒

生員李魚龍妻張氏新興知州張聯珂第三女夫亡無子

家貧勤紡績撫養二女擇配名門守節三十五年歿

彭時任妻伍氏二十六歲守節紡績營生撫孤教養婚配

迄無遺憾年六十九卒

郭炳榮妻胡氏年二十九夫歿無子家極貧養廢弗能給

氏刻勵勤女紅撫姪為嗣艱辛之狀見者郵然知縣萬

方額旌其閭

儒童趙繼顏妻張氏年二十七夫故孤廷梯在襁褓中氏

矢志撫育有成家貧力操作務紡織孝事翁姑居喪祭

葬如禮性柔順女流有忤聞戶忍受不與校晚年衣食

苟完訓其子慕義急公多所補助年踰九十孫曾林立

乾隆十七年建坊 旌表

生員歐陽信妻王氏幼嫻母訓年十七于歸事姑執婦道

惟謹八載殞所天哀毀異常擇猶子為嗣督課甚嚴娶



婦後即命兒媳總理家事帷閉戶持齋親族罕見其面  
乾隆十八年 題旌 附志

張倬妻彭氏夫亡時氏年二十六上事老姑下撫孤兒守  
節四十三年歿

李芳廉妻蕭氏年十九夫亡後二月遺腹生子矢志撫孤  
孤天撫從子為嗣邑公額督學張旌其閭 附志

歐陽璧妻周氏十九歲守節家故貧椎髻紡績事老姑曲  
盡婦道撫孤子帝俞成立貞操三十七年卒

鍾毓沈未婚之妻黃氏姦姑邑北廟上人幼讀女箴及列  
女傳即解從一而終之義釋及笄聞夫病故誓不欲生

浼母遶舅姑欲奔喪其母不允因閉戶自縊後合葬以  
伸其志乾隆二十年巡撫旌匾

胡光海妻劉氏年二十五夫故矢志撫孤茹荼自甘品令  
楊旌以德操彌堅匾

郭維圻妻劉氏年二十一夫故引刀割指自誓孝事翁姑  
撫孤子光岳為諸生督學張拜賡旌額由懷清望峻

監生胡應魁妻黃氏年二十三夫歿矢志撫遺腹子光典  
延師課讀為邑廩生敬事翁姑明達大體督學張映辰

以慈慈丸荻旌其閭

生員傅聖寵妻鍾氏年二十七夫故矢志守節撫孤長終

有成大守趙師質旌之年六十九卒

歐陽瑞妻彭氏廬陵訓導彭即達女年十七夫亡無嗣孝事老姑撫教齡夫弟珽生子覺先為嗣非大故不歸室非女流不出見守節三十七年歿

監生考授州同職嚴宗潮妻張氏年十五于歸越數年身不宜男勸夫撫養兄子秉宏視如己出已而潮故時氏年二十三矢志守貞恩庇兩世苦節三十二年卒

李捷登妻胡氏年二十六歲夫亡子幼氏苦節安貧晝夜勤紡績教子自華成名已而早逝氏同媳胡氏撫孤孫師夔等卓立癸未督學周煌旌以松筠勁節匾額年七

十八而終洵稱貞壽

胡開蘭妻袁氏年二十六夫亡矢志撫三歲孤兒成立如荼集蓼金石之操歷久不渝年七十二卒

歐陽璨妻彭氏生二子夫故矢志不二家貧姑老躬勤紡績孝養無缺教子慈嚴並著底於有成年六十四卒

鍾掄彥妻楊氏年二十六夫歿矢志撫孤家貧茹苦持門戶事翁姑竭誠奉養性貞靜言笑不苟族里罕見其口

守節二十八年卒

生員林來賓妻鍾氏二十二歲夫歿矢志撫孤子蔚楠成立守節六十年壽八十一而卒又林深穆妻鍾氏夫歿



氏年二十四歲無子撫姪上茂列郡庠守節四十二年  
歿

林忠義妻黃氏十八歲夫亡撫遺腹子洪昌成立守節五  
十七年卒又林來芳妻李氏子蔚橋亦遺腹生恩勤  
育苦節四十四年卒

嚴思登妻劉氏年二十二夫亡二子甫襁褓矢志守節奉  
姑得其歡心茹藥飲水教子升順成立升願為邑諸生  
鍾維魁妻黃氏年二十二夫亡無子氏矢志不貳撫姪為

嗣守節四十一年歿

凌鳴鶴妻丁氏年二十三夫故遺孤思成前二歲氏幼

堅操孝事翁姑教子有成卒年八十有一乾隆二十七  
年子上舍生思成以氏節請 旌表

監生鍾倫龍妻郭氏夫亡時年二十八矢志守節撫孤成  
立歿年五十七

黃志益妻袁氏年二十八夫亡矢志以孝慈著鄉稱苦節  
鍾文獻妻林氏年二十四夫亡矢志守貞孝事孀姑姑  
疾氏旦夕侍衣不解帶者五十餘日撫孤嘉鶯慈而  
嚴延師課讀著有成效尤務與人為善族隣媿婦或苦  
不能自存氏必加意扶植資之紡績以養其心給之衣  
米以安其身交相感激而氏迄無德色嘗文獻就木時

俞議即營宅兆氏泣請暫停日後俾克同穴比氏卒不  
上舍嘉鶯合葬之議者咸稱氏了大義云

南雄府經歷嚴宗期妻朱氏高安文儒表瑞公弒第五女  
年二十八夫歿於任所氏拮据杖屨縣里所生一子秉  
恭前已棄翁命出繼夫兄宗朗氏飲瀟安分與嫂氏張  
同心協力撫孤有成及秉恭生二子以其一承宗期祀  
氏知書達大體節孝著稱洵無間然乾隆三十二年  
旌表

趙至勤妻郭氏年二十二夫故氏志不渝撫夫孺子錫齡  
為嗣孝事髦姑全節以歿

黃彩登妻鍾氏年十八于歸甫七閱月夫故氏立志守節  
以十指佐生又黃稟性妻鍾氏黃企瓊妻鍾氏並以節  
著

郡庠生張文漣妻黃氏年二十三歲夫亡貞節自誓安貧  
勵志撫孤有成知縣楊國華旌以節堅似玉匾額

生員周魯妻楊氏魯歿氏冰霜自守撫子成立邑令楊旌以栢  
操松懋匾額

袁嗣菁妻張氏年十九歸嗣菁嫻於內則以柔順著聲居  
無何嗣菁病故時氏年二十八姑老子幼志堅代終仰  
事則生養死葬脩形拮据為能成其孝俯育則入撫出



規具徵聖善為能成其慈終氏之身毫無遺憾

監生趙廷來繼妻張氏年二十二于歸甫兩月夫亡矢志

守節撫夫兄子為嗣孝事翁姑乾隆三十五年建坊

旌表

生員鍾震芳妻尹氏年二十七夫故矢志撫孤以孝順聞

於鄉茹荼飲藥守節三十四年卒

嚴秉道妻夏侯氏年二十一夫亡苦乏嗣續氏堅志守節

撫夫弟子思安為嗣上事老翁克盡婦職督學曹文埴

旌額曰翠栢凌霜

生員趙至清妻嚴氏長壽知縣嚴宗璧之女性柔靜嫻於

內則能善承翁姑歡年二十四守節撫夫弟至淳子

嗣米霜自勵茹苦完貞以歿

胡攀華妻周氏年二十一矢志撫姪學明以承夫祀艱阻

脩嘗堅志不渝守節四十五年卒

袁成龍妻歐陽氏年十九夫故矢志堅守竭力奉姑苦節

二十四年卒

監生嚴宗傑妻黃氏夫歿勵節持門戶撫二孤秉瓏秉瑜

成立風操潔用充明達大義濟困急難乾隆三十七年

建坊旌表

張文友妻袁氏年十八夫亡無子矢志守節夫同懷弟錫

爵亦早折妻林氏二十三歲繼遺腹子培植妯娌同心  
苦守上奉八旬祖母黃氏及孀姑黃氏養生送死婦供  
子職乾隆四十年培植補邑諸生以氏節聞於督學蔣  
元益旌額曰茹藥丸熊人稱一門雙節

苗博奇妻胡氏年二十一夫亡無子栢舟自矢為夫立後  
又博奇堂弟壽奇妻鍾氏年二十夫故舍荼茹藥撫襁  
祿孤有成知縣林邦珣俱旌以匾額

鍾維亨妻彭氏年二十夫亡一子甫週晬氏忍死守節上  
事髦姑下撫藐孤備歷艱辛苦節六十二年卒

趙瀚妻周氏年二十九夫亡無子一女苦節

廷詒為嗣婚嫁所資惟憑十指雖嚴寒溽暑午夜不少  
休茹苦舍辛以歿

邑庠生萬定琳妻胡氏夫亡時氏年二十八遺孤上遊生  
甫六月矢志撫孤事翁姑孝養倫至茹苦完貞知縣林  
邦珣貽之序以紀其節

鍾錫葵妻黃氏年十七歸錫葵甫二載葵卒時氏年十九  
矢志靡他終養老姑撫姪存祀茹苦完貞以歿

傅蒂寵妻李氏年二十一守節撫夫兄子為嗣屢經摧挫  
茹苦舍辛清操愈勵乾隆四十二年建坊 旌表

張尚鈺妻袁氏年二十九守節撫孤成立已而子天撫孫



孫復早折僅一脈茹荼集蓼庇蔭四世洵堪矜憫

鍾馥妻羅氏年二十七夫故遺腹生子掄元氏念夫僅一

脈矢志堅守事舅姑無違禮撫孤有成著聲族里

袁上遵妻袁氏年二十五夫亡撫遺腹子成立上事翁

姑人不聞言

監生黃之鶯妻張氏年二十八夫亡矢志守節上奉舅姑

孝教無違撫孤定選定魁定選慈而兼嚴延師課讀並

為邑諸生一女春姑未婚殉節另有傳

朱定標妻袁氏年二十二夫亡無子守節事姑始終不

知縣林邦旌以節徽松筠匾額

黃壽妻潘氏年十八夫失所天遺孤僅數月忍痛矢志兼

人有以美言諷之去者氏泣對曰吾舅三姑一脉保宗

全祀責在末亡人之死靡他願勿以不肖相待也言者

慙而退初繼姑性嚴厲頗難得其歡心氏竭誠孝養旋

亦感悟姑臨終與氏訣曰吾患目疾數載得汝殷勤伏

侍差不為苦今當永別願汝子孫逢吉所以報也及姑

歿盡哀成禮居家謹身範尤篤母教子士琦入賢籍銓

部孫勳及上相上表並蜚英膠序

鍾袞妻胡氏年二十歸袞越三年袞卒疏孤生甫六月家

屢甚饑殮苦弗給既除喪隣婦諷以去氏厲詞相拒曰

餓死事小失節事大假有二心他日何顏見夫君於地  
下耶謀生藉女紅孝養舅姑承歡菽水撫孤恩勤備至  
終未嘗稍作姑息態迄用有成年七十有三卒知縣林  
邦琬旌以節做松筠匾額

監生鍾掄元妻袁氏年二十八守節明達大體撫兩孤開  
以母儀家素封躬持儉約卹危濟乏了無吝色賢惠之  
聲溢於里鄰

李慶珠妻劉氏夫故時年甫十八忍死撫遺腹子成立及  
見孫曾庶幾貞壽之稱

歐陽席珍妻彭氏夫亡氏年二十四一子甫週晬遺腹又

舉一子氏刻苦自勵上奉鬢姑俯育兩兒備歷艱辛迄  
無遺憾

彭錫廷妻梁氏夫亡家貧如洗紡績度日撫孤備歷艱辛  
可以為難

鍾其點妻黃氏年二十九夫亡矢志撫孤集蓼茹荼靡有  
後艱

傳得寵妻趙氏年二十四夫故無子矢志守節撫夫兄子  
為嗣幽閑貞靜恪循內則

宋紹儼妻周氏年十九夫亡無子翁姑年老家貧惟夫弟  
紹叔尚幼氏堅志守節佐翁姑撫夫弟成立後因以姪



為嗣

黃堯典妻張氏家故貧篝燈佐讀居無何堯典積學賈志時氏年二十四矢志刻勵孝事老姑撫兩孤恩勤拮据長祖緜藉母教為邑廩生次亦醇謹克家清操苦節著有成效

林鏡七妻黃氏年二十二夫故無嗣氏飲泣堅守冀全夫祀顧詘於力不能具二黼冬夜夏日惟女紅是勤食稍給爰撫本支子未幾天亡又別無可繼者獨一房姪相當則已承桃外分氏諗於族眾願以苦積餘貲贖回後已眾憐而許之境七因得幸延一綫

李燃六妻易氏于歸纔二年夫故時年僅十九遺孤尚在襁褓氏志全夫祀忍痛守貞恩勤鞠育無何脫孤天氏益百折不回家徒壁立恬然安之清操苦節超出塵表歐陽頊妻王氏年二十二孀居養親撫子悉資紡績有豪民百計圖娶乘其歸寧要於路至則操刃相向毀容截髮落指投繯令婦女謹防之水漿不入口者三日豪知其難奪與之歸孝敬靡間於初撫孤上性成立里鄙稱之

鍾景枚妻黃氏年二十二守志長子兆仁甫離襁褓次子兆禮遺腹五月生氏拮据持門戶孝事舅姑撫孤勤母

教並入成均氏節固堅其才亦有足稱者

袁嘉宣妻李氏年十七歸嘉宣閱三載宣卒時家屢空氏志堅確不少移灌園食力以此承堂上之歡垂膝下之庇茹苦完貞允堪嘉憫

生員鄒方虞妻李氏年二十九矢志撫五孤子辛勤教育嚴以濟慈諸子丙夜讀稍倦則指其父書痛切責之長文斐由諸生貢成均餘皆卓立可期遠到氏性貞靜持家一範於禮躬勤操作為諸子婦倡生產愈饒督率念力誠不欲以甘節自鳴庶幾懷清之亞

黃步階妻鍾氏年二十三夫故誓以身殉身終節之公強起閱二月遺腹生子氏念夫祀有主竭力撐持撲息種植園躡以資孝養倫歷艱辛迄無幾微懊悔誠若以為苦節能貞云

朱曰恭妻張氏夫矢志撫孤終身不渝又朱曰敬妻王氏早寡撫姪為嗣朱秉相妻宋氏年二十夫故紡績撫孤三氏甄甄相依冰操共勵迄今子姓蕃衍書香蔚然李公故妻廖氏矢志撫孤姑悲戚輒携二子相慰獨處啣哀飲泣不忍令姑知之晝夜紡績自給非至親罕見其

面

黃日灼妻鍾氏年十九歸灼越三載夫亡之嗣氏忍痛矢



志撫姪世坦以承失祀撐持家門備形拮据

張紅文妻章氏年三十七夫故無嗣矢志靡他委曲撫弟

叔再以承夫祀氏勤儉持門戶事翁姑以孝聞

晏自肇妻李氏年二十四夫故時尚未延嗣續氏已有身

忍痛自存及遺腹生子氏稍慰謂夫祀緣矣已而藐孤

殯幾欲從夫地下顧念翁老善病仰事需人且夫終不

可以無後強顏承歡爰畢子婦之職更撫親姪承祀其

明達大體類如此

嘉定龍妻張氏年二十三守節家貧子幼以織紉佐生事

髦姑力敦孝養安貞之性老而彌純

林上潮妻袁氏年二十二夫故泣血飲恨誓以身殉家人

防之密志不得即遂閱數月寢食佯如常時防稍弛氏

輒引決死節烈之槩金石不渝

鍾際會妻周氏年十八歸鍾生一子甫六閱月際會病故

時氏年纔二十矢志撫孤事舅姑惟謹俯仰所資紡績

佐之貞操苦節殆無間然

增生袁為莊妻黃氏夫亡時年二十四矢志撫孤明達大

體尤能惠周姻黨

附貢生彭柱台妻嚴氏開州知州嚴宗嘉之女人二十八

其夫遊於外戚長壽官署卒氏聞訃痛不欲生轉念繼

姑年老二子俱幼忍死守節婦兼子職撫孤光華光昭  
克成其志

夏侯珠妻郭氏

邑庠生鍾毓蕙妻嚴氏年二十夫亡矢志撫孤事繼姑孝  
養無間

鍾繼日妻林氏年十九夫亡無子以節自矢為夫立嗣教  
之成立

李雲翔妻宋氏夫亡時年二十五立志撫孤孝事翁姑鄉  
婦以年少家貧諷使改適氏痛哭於夫靈前引刀別面  
永矢靡他族鄰避之

嚴秉遜妻趙氏夫亡勵志撫孤家貧極力樁持姑無何孫  
歿氏拮据扶植幼孫以延夫脉

林良輝妻宋氏年二十七夫故誓守克孝撫孤之旭之星  
有陶母遺規之旭凜母教列名成均之星早卒遺孤並  
賴氏劬勞恩庇兩世

生員馬士昌妻周氏夫亡時氏二十二歲子方襁褓栢舟  
自矢茹藥飲水教誨孤子不事姑息事八旬髦姑孝養  
脩至姑病侍湯藥晝夜罔懈且焚香籲天願以身代姑  
訖無恙鄉黨稱之

邑附生嚴秉球妻郭氏年二十六歲夫亡子幼家貧如洗



矢志守節勤紡績貧翁姑養諸弟叔後先吳處氏獨力持門戶撫孤子思錫成立克家以孝慈聞

黃文耀妻黎氏年二十三夫亡無子撫姪為嗣紡績佐生茹荼自甘又黃學淮妻袁氏年二十六守節撫孤有成孫世遂妻張氏年十六適世遂越六年夫故遺腹生子兆祥撫孤守節家貧艱翁姑甘旨恒力樵炊爨奉事惟謹備歷艱辛貞心不渝

監生袁震龍妻嚴氏年二十七夫故矢志撫孤慈而兼嚴有古和熊畫荻風子定相定彬並藉母教後先噪譽序迄無喜色蓋幽閨貞靜由於性成云

羅紹文妻嚴氏弋陽訓導嚴宗寬之女嫻於母教修其婦職年二十八夫故矢志撫孤倫形枯槁冰霜之操窮益堅卒亦無有後艱

李自寬妻汪氏年二十三夫故時尚乏嗣而氏已有身欲痛矢志閨三月遺腹子生氏拮据撫育比長竭力完配媳歐陽氏十餘年不宜男已而孤中道逝其媳亦歿腹子氏念兩世一脉姑媳相依既愛憐之且維持之前稱苦節

張珍妻彭氏年二十一夫故無嗣撫姪為子敬事翁姑節孝可稱

李自洪妻段氏年二十二夫故茹荼撫孤孤夭有諷以也  
適者正色拒之終身不渝

歐陽勝妻嚴氏二十九歲夫故遺腹生子任艱苦儻嘗撫  
孤有成註名銓部

黃廷謨妻昌氏守節撫孤敬事翁姑克供婦職鄉稱其孝  
監生嚴開稽妻何氏矢志撫孤諸九務持大義凜若水霜  
黃其星妻林氏茹藥撫孤藉紡績以佐翁姑甘旨節孝著  
聲

歐陽祺妻吳氏年二十三守節明達大體撫兩孤有成

張文瀾妻傅氏傳帶寵之女其母傅李氏節婦也氏十三

年歸二十一而夫亡矢志從一孝敬孀姑生養死塋以  
禮撫孤宗林中道天折無繇氏同媳嚴氏苦守待別立  
祀人稱一門雙節

嚴秉璠妻徐氏浙江秀水進士徐天麒第六女年十六于  
歸越二載頓失所天且無子氏痛不欲生翁姑年老多  
病忍痛勸諭乃遵命撫夫兄子思濂以延夫脉

林有度妾彭氏年十九度納為側室氏年二十八夫主歿  
矢志守節撫孤大俊為府庠生事正室嚴氏數十年極  
其愛敬

黃福中妾劉氏年十九福中納為側室及夫主歿氏依正



室袁監守撫孤廷燕為邑諸生正室見其耐苦貞操親愛之如一體

袁一盛妻盧氏年二十八夫故矢志撫孤家窶甚無以餬口氏躬採樵拾野蔬為營生計二子賴氏劬勞用克成人乞稱苦節

劉芝蘭妻柳氏年十八夫亡欲以身殉顧念姑老子幼竭力撐持奉養承歡教子家柱遊泮已而家柱夭折氏備歷艱辛勁節不渝

鍾綸宰妻袁氏年二十九守節撫孤明大義有九菽遺風鍾希元妻習氏年二十四夫故遺腹生子矢志撫之成

姑年屆七旬多病氏先意承歡奉事甘旨始終無怠故里皆稱其孝

朱仕鳳妻陳氏年二十八夫亡誓守撫孤之楷成立娶媳黃氏亦早寡遺孤正胤姑媳相依扶植之迄成其志

盧大和妻嚴氏年二十五夫故誓不他適撫孤持門戶艱阻備嘗暑有成效

袁興嶽妻鍾氏年二十八夫故安貧撫孤代終一切壽母

彭廷議妻鍾氏生子五年四十餘夫病亟屬曰弱子五人惟汝是賴鍾氏克成夫志儉以理家勤以課子有古和

熊畫菽風諸子入費序者四長大秩尤以孝行著順治壬辰遇檢張嘉旌其門衍孫二十餘長峻亦食餼鍾氏壽九十三歲玉樹盈階孫枝遠膝晚近希觀

黃堤八妻張氏恭儉柔淑年二十八而寡堅志撫孤娶婦袁氏無出爰立從子為嗣知縣楊宏綱詳請 旌表壽

百歲

之師錫繼妻李氏孝事翁姑勤儉持家生二子長沛次見顏倫極孝養孫曾林立多列膠庠壽九十九歲

邱崇生傅朝泰妻趙氏家本素封食蔬衣布延師教子著有成效署知縣江為龍贈以淑範遐齡匾額享年九十

有三

武社祺妻李氏敬奉翁姑佐夫以順為正門內肅然享年九十有七

以陽昇侯妻張氏佐夫食貧躬操井臼垂老猶不務聞子孫資其庇蔭者三世現年九十五歲

趙廷相繼妻夏氏撫孤子文勳延師督課為邑廩生文勳中道謝世又同媳婦撫孤孫至嘉列邑庠壽九十六歲

趙鳴錫妻孫氏持躬淑慎孝養翁姑夫歿後力能代終課子充嚴孤士沈凜母教為大學生孫廷拔廷慧璉山並

列膠庠居恒周濟窮乏口不言惠享年九十六歲



分門類事卷之九十六  
已庠生王佐妻夏侯氏勤儉持家積德昌後有相之道子  
孫繁昌享壽九十有四

劉邦興妻李氏性柔順能得翁姑歡相夫蔭子脩著勤勞  
享年九十有六

生員李學靖妻陳氏夙凜內則延名師督子孫力學子鵬  
搏鵬翰孫夢吉豪賚曾孫枝馥俱先後列郡邑庠督學  
金德瑛旌以金萱晚茂區額享年九十有七

傅紹偁妻李氏家窮約紡績佐生刻厲之神老至弗懈年  
躋九襄時青州知府王雲煥贈以鶴白松青匾額見年  
九十有四

庠生李成樑妻林氏素嫻壺儀持家整齊嚴肅門以内未  
嘗稍形評語教子定忠為郡諸生享年九十有四

生員黃師昌妻袁氏性端淑事姑以孝聞相夫教子嘖有  
賢聲享年九十三歲

分宜縣志卷十七

寺觀志

僊釋附

方外縉流羽士依山傍水而居邑雖置於宋而仙  
佛刹自吳晉時已有著者如福勝寺上真洞靈等觀  
皆是也况逃儒歸墨出儒入佛高明賢智之過托於  
仙佛之間以見意往往有隱君子焉茲就舊志及新  
增者次第之志寺觀

真果寺舊在縣學左明宏治間遷於城隍廟左

安覺院在邑東十里即西峰寺

明晦寺在邑東北儒林鄉五猴山側

分宜縣志卷十七 寺觀



錦層蕪菴在東西寨嶺門

寶慈觀在邑東南今廢

覺雲菴今改青蓮禪林在邑東五里

上真觀在邑治東相傳晉節真人飛昇之處明嘉靖戊午道士楊善應等以觀左逼學宮募緣改建於萬年橋南買民田浚墊以作觀基建殿閣方丈居住塑像完倫與延福道院相隣

國朝邑令蔡文鸞詩云路轉山根草四圍石橋斜渡釣魚磯地臨春水鴻鳴近樹帶朝陽鵲影稀道院霧沉鏡虎伏禪堂磬響僧歸行遊到此情無極一片浮雲

客衣

延福道院在邑萬年橋南明嘉靖戊午邑紳大學士嚴嵩建以祀神護橋故名自為記

記云直萬年橋之南百步許闢地築宮一區中為堂祀元天上帝堂之後為閣祀三元大帝置住持道士一人主奉香火以鎮護此橋也元天為坎位壬癸之精天一化生受命上帝巡行下界為民禦災捍患號稱治世福神天地水三官並司大極統攝陰陽而江海河源則下元所隸云夫天地定位山川奠形莫不有神司之記曰明有禮樂幽有鬼神先生制為祀典自國都至郡邑通

上下貫古今祇事罔有不共予之為此匪敢僭也匪敢  
瀆也期徼神祐上祝皇釐下貽福於民生故名之曰慶  
福道院道院之左為上真觀舊在城內隣於學宮恒苦  
偏仄乃改建於此爽塏軒豁脫遠蒼頡稱其為道流之  
居與道院實相聯峙故得附書經始於嘉靖戊午明年  
十月落成記作於庚申二月  
法雲寺即水南寺在邑南里許  
明邑人趙錦經水南寺有感詩云寺改僧仍聚林空鳥  
自稀昔人藏寶地老衲晒禪衣代謝猶如此人間半是  
非我來追往跡長大發歎欷

國朝邑令蔡文鸞佛日謁水南寺大雨詩云天雨甘霖  
知浴佛地生苦菜待餐儒書齋寂寞禪闕冷一瓣心香  
自問吾

廣教寺在邑南三十里明道錄某與吉水諫議鄒南皋為  
表兄弟常雲遊抵京師從張真人建國醮神廟優給之  
勅賜廣教院

圓通菴在邑南四都沙溪明洪武十一年蕭和旺建

碧雲菴在邑南五都招賢鄉醴醴

國朝邑紳宋式燕詩云信步臨高處雲崑各見招遊人  
何草草秋色正蕭蕭鳥沒荒烟合風悲古木凋相看雲



不厭忘却是僧寮

萬壽菴在邑南五都募塘

嚴山寺在邑南五都東坪即普淨院

七星臺在邑南五都東坪雍正間詳請為講約所

高峯壇即九龍山在邑南峽石左連廬陵右界新喻壇

屬分宜

晉化寺在邑南三十五里

石龕菴在邑南六都塘下

東建菴 西建菴俱在邑南六都新齒

武靈峯在邑南七都施谿村

國朝邑令楊宏綱詩云武靈峯寺面重峯眼底金波

嶺松四起寒烟迷野徑一聲清磬響天中

大慈菴在邑南七都張家畝僧靜止建

安定山即古威德寺在邑南七都禮冠佛額上僧定堅改

建

德勝山在邑南七都鄔源院背乾隆庚辰僧應機建

鄔源院即西明山又曰法果寺在邑南七都招賢鄉營構

山水勝處為邑名刹康熙間眉卓重修

法雨寺在邑南七都

準提寺在邑南七都

明智寺在邑南

顯教院即顯龍菴在邑南八都淮源住持僧恣融重修

金頂峯在邑南八都長龍

金鳳臺在邑南八都桑棗舖

高嶺寺在邑南八都大華舊名常樂寺康熙甲申僧自當

重修

玉虛觀在邑南八都石鎮

靜修寺在邑南八都防里洞靈觀左傍

洞靈觀在邑南八都防里玉華山晉建宋紹興賜額明重

修世傳晉時有一女子修煉誓言過三玉必成丹初至

玉華山次至玉虛觀次至安福玉仙院丹成飛昇明懶

懶道人亦居觀中以道行顯今廢

明邑紳嚴嵩詩云玉女已仙去仙尚此中龍吟山洞

雨鷄舞石潭風異代流傳久浮生夢覺同還尋煉丹處

雲水夕陽空

準提寺在邑南八都防里文昌閣右

紫雲峯在邑南八都防里界安福歐陽鍾有賦詳山志

廣慶寺即古仰嶺又名大岡山在邑南九都新興里唐尚

雅祖師騎虎至此因建寺明黃子澄有記詳山志康熙

癸未僧悟修重修



分宜縣志 卷十一  
黃老臺在邑南九都晉黃太古修煉處

按此山界連安福山下土田舊隸分宜溪水一道流入  
入泂江分宜縣志暨府志省志俱記載確鑿乾隆三年  
安福民李壽先等與爭分宜周仲師李覲天康學  
山等連名控縣并申懇督撫各憲均奉批分宜管理  
山內古菴亦聽分宜召僧住持安福民不得採樵混  
爭應令勒石永斷葛藤立案

鳳山寺在邑南九都荷花逆順治癸丑僧常行建乾隆間  
僧了達重修

白雲峯菴在邑南九都古雲寺傍

古雲寺在邑南九都住持僧昺月

永清院在邑南九都見山志今廢

會勝院即寶月菴在邑南九都伏虎山下僧彷彿達重  
修

慈雲寺在邑南九都鉢釘山僧映輝重建

國朝邑紳李一騶詩云曲徑尋源入洞天慈雲飛下玉  
池蓮石巖斑駁蒼苔冷馴虎啣花卧紫烟

迴龍菴在邑南九都天心台康熙間僧松谷遠谷建

蟠龍寺在邑南九都大坑僧佛宗建

定心臺在邑南九都雙源

寶雲寺在邑南九都上雙源寺傍有鑽石宋永州吏目李光瓚建元有長老洪公一清能詩歐陽元雅重之曾以寺題疏今院廢土乃舊名為院坑

元歐陽元和一清二絕云禪板蒲團百言空坐聞宿鳥起霜風巡堂首坐三更過師在雲山第幾峯 虎溪一笑珊瑚了不似當時剡棹回高興莫教容易盡青鞋布襪約長來

明邑紳李雲題寺圖詩云步雲橋上寶雲峯殿閣飛甍接太空記得讀書來往處風光渾似畫圖中

通寺在邑南九都上雙密邊僧盛宗重建

朱家坳在邑南九都

金蓮山在九都嚴渚

龍鳳菴

西岐觀 俱在邑南九都漳源

順濟菴在邑南

真聖觀在邑南十都化金鄉山口

聖賢堂在邑南十都大和里

南嶽堂在邑南坐落無考

樓真院在邑南十都山田

松鳳寺在邑南十都招賢鄉乾隆甲子僧穎奇建了達重



修

源慶菴在邑南十都長富

觀音巖在邑南十都

鈐西寺在鈐岡西

邑紳張嗣載詩云匝地青青遶翠蘿嵯峨凹裏一雲窩  
林空偏惹松聲大路曲還添竹影多好鳥歡從花外語  
暗泉淒向石邊過塵襟到此全清滌閒證禪心五十那  
觀音閣在邑西三里

福勝寺在邑西五里吳寶鼎建唐武德間名齊隆宋黃庭

堅有記今廢

宋張栻詩云朝宗秀水琉璃碧擁縣高山翡翠青三

原稱天下險五臺端是地中靈羊腸紫棧平如砥魚貫

朱薨巧似屏中有神仙來作牧斗南夜夜煥台星

元虞集詩云江頭說與老僧知玩水觀山豈定期白髮

自來無處所黃花更老不嫌遲爐烟遠座寒留宿法

窺禪夜誦詩惟有峽中三石壑千年幾度見來時

僧一初和云老却黃花客未知回舟旬日漫相期龍江

話月卸杯久願徑看雲步標逢天地長懸司馬記山川

有待杜陵詩錦囊收拾同誰讀側耳發聲入思時

西竺菴在邑西十里

邑紳李簡詩云到來清淨地便自得禪心戶列峯巒秀  
階垂竹樹陰佛光浮月色魚響雜禽音喜接廬山趣還  
將惠遠尋

南岫巷在邑西五十里其山上下兩菴境極幽邃為邑名  
藍上曰長興巷

竹林寺在邑西化全鄉

仁濟寺在邑西

清真寺在邑西南遵化里

延壽寺在邑西德崇里

龍菴在邑西北文標鄉建溪里

崇法院 壽昌院 廣化院俱邑北無考

安淨寺在邑北寧安里

崇化院 北

崇真院在邑北有清泉 集聖院 俱北

惠照院在邑北

紫炁觀在邑北介橋紫霞山吉祥寺左

崇道觀在邑北清教鄉

僊釋 附

晉

葛洪晉時人即吳葛仙翁商丹成雲遊徧歷東南各洞天



常修真袁嶺七峯洞中有煉丹池舊蹟後有婁仙名陽者相繼坐洞中修煉故洞以二仙名曰洪陽

黍舊志

黃仙姑西晉時人嘗修煉於分宜之清風山上有煉丹池

府志

黃太古晉時人嘗修煉於分宜縣五十里其地有巨石坦

夷世稱為黃太古臺

府志

唐

沈道人嘗結廬於分宜南山石間石舊有竅可入一日道人忽不見視石則竅已闔矣今寶雲寺旁有石壁立其紋橫起如高鎖然今呼為鎖石山

元

一初仁公者福勝寺僧也能詩學士虞集舟行晚泊寓宿寺前遊寺與一初倡和七律詩工力悉敵詩見寺觀又賦五律答集云翰苑虞夫子名聞四海傳偶携天上月來繫寺前船一見如曾識三生定有緣不嫌雲卧冷與

我共留連

黍舊志

月樓棲真寺僧工詩歐陽元為序稱其思致清醇氣格深

妥又一清寶雲寺僧能詩元並雅重之

舊志

黃東美不知何許人嗜酒落魄人異之有僧黃美人詩聲盈逸宕既卒有人自海外見之寄聲邑里問舊遊方知

其尸解 壽志

明

懶懶道人周樞字寰中安福人通儒術能詩居分宜洞靈觀有道行洪武間至京師禱雨輒應朝廷嘉之 舊志

國朝

鑒源姓曾氏曾為樂平邑諸生或曰明末進士而隱於僧者常以壯激忤有司變姓名棲邑北慈慧寺精易攻岐黃尤長於詩時與里中知名相倡和性落橫不羈致蕪風雅而以魯自號見者呼為魯太師

古條初住南岫後移紫霞山善知識持菩薩戒甚堅耽吟

咏絕無疏荀氣諸名藍遊歷殆遍飛錫所到並增重一

時

德能名法孔霞山吉祥寺僧潔清自好屏諸一切獨終日苦吟不為疲雅與諸名流善時以所作就正推敲盡致夢遊草袁然成集屢登堂說法門人多通詩教

按已卯府志載奕仙小傳已見山川門仙女臺又虛中嘉靖府志載宜春人白志訛為分宜蓋唐時分宜未立縣也今俱軼之



分宜縣志卷十八

雜志

志賢採樵緒言網羅舊聞附諸篇末邑自明以來前  
哲之流風餘韻可考而知即博聞瓊屑並足法戒將  
來舊志寥寥數則茲廣為搜葺語多雜出嘉靖府志  
所云間有一二竒詭以資博談者作雜志

李德裕嘗左宦宜春盧肇以文見知既拜相舊例放榜先  
呈宰相時侍郎王起典貢舉問德裕所欲荅曰何問為  
如盧肇丁稜姚鵠豈可不與及第起遂依次放之肇謝  
主司起詩曰嵩高降德為時生洪肇三題造化名鳳詔

佇歸專北極驪珠搜得盡東瀛衮衣已換金童貴禁掖  
曾隨玉樹榮明日定知同相印書衿新列柳間營咸通  
初肇除歛州刺史又有途中寄座主王侍郎詩云忽奉  
專城奉六條自憐出谷屢遷喬驅車雖覺還家近捧日  
惟愁去國遙朱户乍經新築戟風帆常覺戀簞瓢江天  
夜夜知消息長見臺星在碧霄

嘉靖府志

盧肇初赴舉見侍郎王起因問曰袁州鄉薦如子者幾人  
肇曰皆才選也未易品評如肇者亦猶沅江出鱉甲九  
肋者稀矣

唐樞言

韓愈自潮州量移宜春郡黃頌學愈為文亦振大名頗當

觀盛肇為碑版則唾之而去頗與肇同鄉頗富而肇  
同日遵路起舉郡牧餞頗離亭肇駐蹇十里以俟明年  
肇以第一名還袁因觀競渡即席賦詩有向道是龍人

不信果然奪得錦標歸之句

嘉靖府志

通志古蹟載盧狀元書堂有二說據童宗說文標集序郡  
之南修仁鄉有盧狀元書堂遺址存焉則宜春之修仁  
鄉也名勝志載盧肇讀書臺在分宜縣鐘山之側則鄧  
廷聞詩所謂鐘山高高鐘水綠者是也文入地與俱韻  
流傳既遠所聞異詞自當並記之

宋時邑西禮教坊袁氏有淮安司監提舉名德翁者告致



歸養舟湖大江入鄱湖見迴瀾處有巨石水勢湍激舟  
多湧入遂解囊鑄二鐵柱於腰子石上柱高二丈餘俾  
過舟遙望知避至今鐵柱猶存上有德翁姓氏 標德翁自記  
寰宇記載宜春東有夢水昔鍾儀欲於此村立縣乞夢果  
符所祝名曰思縣因以名永嘉靖袁州府志亦錄此說  
而以為在府城東八十五里未詳其義通志則云東八  
十里源流無攷今按宜春東境宋時割置分宜以里計  
之此水當在分宜近城上下水次但云因鍾儀乞夢而  
名似涉附會金谿王謨江西攷古錄云鍾儀即左傳所  
云南冠而縶者也立縣事屬荒唐且江西有三夢水蓋  
皆鍾儀所夢乎

元至元間邑北上松有黃汶者由明經起家為陝西鞏昌  
府西寧尹元貞間母老乞養改檢本郡宜春尹大父宋  
黃時中作秀塹園樓臺亭閣軒巷皆備又有平湖曲水  
繞其堂宅汶繼起加修葺焉今其譜帙所載詩記皆宋  
元人筆而府縣志不詳其名可知前代人物志中遺軼  
者不少也

歐陽南谷居士元時高尚人也當道以教官薦薦不受圭  
齋嘗銘其墓明太常卿黃公勤齋跋其後云昔人之所  
積者忠厚流長其遺諸子孫固異乎衆人也自凋謝之

餘而資源兄弟皆卓然後昌其先世又知天之報施善人果不爽也而南谷亦嘗自贊其畫像有曰務本之學施於孫子讀此可以知所本矣

泰清門原譜

明歐陽元春以貧樂顏其齋自為贊云天能貧吾身而不

能貧吾心吾能樂吾心而不能樂吾身貧吾身固不樂

樂吾心斯不貧人皆以身不貧者為樂地吾獨以心不

樂者為貧民噫樂果何人貧果何人後學讀此知先生

學道有得可以尋孔顏樂地矣

平園雜記

黃太常子澄受易於歐陽貞受書於周與學受春秋於吳

寅初謁時寅令作枯梅詩立就甚異之詩云百千年

未全枯三五箇花何太疎聞道石門春意動不知白者

暗香無石門寅所居也

學書亭詩話

黃太常當靖難師起以李景隆將種薦之出師大敗復請

斬以殉建文釋不問太常歎曰悞薦李景隆萬死不足

贖罪作詩以誌憤惋云仗劍曾登大將壇貂裘遠賜朔

風寒出師無律真兒戲負國全身獨汝安論將每時悲

趙括匡王何日見齊桓上方有劍憑誰借哭向蒼天幾

墮冠

太常為國削藩削亦反不削亦反而削則其曲在朝廷論者以為齊黃之失計也然太常忠義之氣形諸吟咏者



千載猶生今讀酬姚六夫及還洞庭諸詩所謂濟則君  
之靈國之福不濟則以死繼之勇者不懼蓋情見乎詞  
矣

太常靖難受戮有妾李氏在獄

舊志作妻

生遺腹子名衆家兒

李既投繯死將衆家兒發入樂戶鄭阿闢家撫養更名  
鄭全遞傳至六世孫雲因奉恩詔褒忠賜享復姓黃氏

舊志

太常遺骸整直隸崑山縣馬鞍山時方羅織黃練親識皆

諱言之萬歷四年太常孫黃熊祭掃馬鞍山值崑山縣

民蔣坤蔣良占塚互訟本縣覆勘得實斷坤起遷再

忽雷轟墓裂石誌迸出而當時盡瘁間闕抗顏

顛末乃得暴白

舊志

太常與難諸人多屬同邑而名氏不可盡稽城內趙子昇

其姑孀也譜內載其姑趙黃氏供狀一條內云供狀婦

趙子昇妻阿黃氏年六十五歲係本縣東廂籍狀供阿

黃係黃子澄姑氏丈夫趙子昇未奉事發之先物故被

子澄姪黃牧童供報趙孟昇仲昇係阿黃夫弟亦是內

戚洪武三十五年九月初五日差將軍賈福等到縣抄

札將阿黃同夫弟孟昇伴昇義男奴兒外甥彭細孩等

抄解前去本戶田地塘七十畝五分沒官陞科撥與本

縣周下狗等承佃將益昇仲昇等就刑大辟義男奴兒等充河池千戶所軍役就本年十二月二十八日將阿黃發懷慶公主府內為奴永樂二十二年十一月初一日欽蒙恩旨黃子澄齊泰每這一起已被顯戮家下男子婦女有撥去教坊司錦衣衛浣衣局及官家為奴給配使喚習匠的都在赦前了着禮部行文書取放出放回籍寧家為民當差田塘屋基山塲等項都給還他宣德元年六月二十一日蒙公主府大人王將阿黃關送羽林前衛舍人張管送赴戶部轉發應天府給到執字九百三十二號勘合文引照回寧家本年七月二十九

日將原引到縣告繳去訖宣德四年告奉劄付批照不

縣釋放黃子澄親屬趙阿黃原承江字四百九號勘合

事例相同給還改科照舊納糧

採趙氏家譜

太常子澄死遺稿散佚止存贈同里劉醫士歌其詞跌宕

奇絕讀之快然惜其時無有收輯之者今方孝孺正學

集練子寧金川玉屑集皆盛行而子澄文章泯滅尺牘

片語流落人間氣焰光華固不必多也

嘉靖府志詩入藝文

太常公我朝第一等人物弼履任值丙辰之仲秋謁祀如

禮徧樵府志止得邵督學記一首而表忠祠田地則周

前令刻於祠中前後僅得詩三首餘寥寥不見有表章



之者思其久而湮也附錄鈐志後

李元 彌跋

邑北介橋嚴方伯孟衡初為邑諸生一御史行部至行慶

節禮適天雨拜於庭上孟衡厲聲曰拜下禮也今拜乎

上泰也御史瞠目視之復厲聲曰怒目視君大不敬也

御史為改容稱歎

嘉靖 志

嚴方伯公孟衡以薄產六十畝有奇分五子正統八年赴

任四川時親筆分闕首題天理人心之所寓七字後云

天理至公昭昭難欺善惡之報稜於影響又云為子者

皆當以父母之心為心不可各以私心為心天理神明

昭然鑒察可不畏哉盱江魏少宰定國清江楊官師錫

紱俱有跋少宰云方伯清德質存卓然前代詩曰昭茲

來許繩其祖武於萬斯年受天之祐其公篤慶無疆之

謂歟官師云先生膺古岳牧之任而分闕給諸子田產

乃不過中人所以諄諄訓其子若孫者惟此存天理合

人心以為立身行己之本裕保世滋大之謀一言而揭

聖賢學問之要嚴氏詩書之業久而彌光不亦宜乎昔

哉二公所跋可以為清白吏子孫提唱矣

袁開 記聞

白瑾山陰人也成化間以進士任分宜知縣故無城郭

其明年鄰境有因饑作亂者聚從百餘人欲劫庫藏比

及門諸丞簿與其妻孥皆先走匿他所時瑾病瑾妻葛

分宜縣志 卷十一 雜志 七

氏素有才智命家人力拒諸門遷瑾別室埋庫銀汚池  
中服公服升堂俟賊至陽為好語相勞盡出釵珥衣服  
諸物與賊賊謝去不知葛已陰表識之後稍捕得置諸  
法未幾瑾竟以病死先是縣前江民爭渡多溺死葛勸  
瑾為浮梁以濟他惠政亦多所佐助至是歸民哭聲溢  
郊野婦人載橐哭以送者途相次如麟葛一毫無所取  
嗟夫葛氏以一婦人與其家衆阻百餘創起之寇於呼  
吸之間又默識其形狀而捕得之可謂敏給而奇者

母傳

邑西玉塘謝秩年三十落拓不偶棄儒販牛一日薄暮

牛過新塗村落距旅店尚遠向一老父借宿弗應秩

求再四老父曰非有所靳全家惟一老一幼不病疫可

復詢以牛放後園無賊否老父曰合村病疫安有賊

留宿秩自炊飯宿堂中頗有戒心夜半不寐聞有叩門

聲內荅云謝老翁在此不可來明日侵晨問老父病人

狀荅曰昨夜托庇安睡矣因留信宿至第三日復聞叩

門內厲聲曰謝老爺尚在此爾何為悶日病者皆愈

鄉隣驚為神款留之迭為賓主全村病者霍然秩歸復

折節讀書舉宏治甲子鄉薦任廣濟知縣

邑北袁倣號蘭溪嵩縣學諭績學家世有盛德自蘭溪至



五王九七世未析爨鄉里稱為義門白水林黔溪為立  
世友傳

豐城鄧子龍精形家言未遇時嘗過邑北之山泗鍾氏禮  
接甚優感其意為立一阡曰此縣膽穴也然下阡後必  
遇灾而其後必貴鍾氏竟如所指葬之果以命案壘累  
遣戍遇赦歸其孫燦捷成進士官至左都御史即鍾公  
炆也

西岡彭公大科媿名先生未遇時一貧落拓館於上高巖  
過山泗遇雨避於鍾氏宗祠幅巾布衣隆冬適體沾濕  
都憲之太翁留之信宿知其為宿學明年遂訂為西賓

三子熾炆焯皆稟學焉陶冶甚至並梁庠序彭既貴而  
鍾都憲尤以名位著終身謹事之以為真人倫師表

圳頭夏洞源素精占卜萬歷丁丑司寇張公承詔字寅賓  
與其族三人同應鄉試洞源各贈一錦囊屬以場後開  
視其日錄寇詞云寅賓至秋鹿鳴吻吻滕王風送名播

九州是科果中鄉試其餘語皆奇中

易堂  
聯筆

萬歷癸丑張公承詔同黃公希憲下第南歸溯長江進鄱  
陽湖長嶺下遭風全舟覆沒宜春鄉舉袁公業渠分宜  
鄉舉李公日新俱弱焉二公為友竭力營櫬殯張公輓  
之以詩有儘抱文章飽魚腹不將姓字占鰲頭之句先

是張公每見賣生螺螄輒收而放之江歲以為常又覆舟之先夕夢螺螄羣聚成盤公跳坐其上覺而駭之次日舟沒黃公希憲抱一櫓公倉皇自分必斃恍惚中得一砂堆急就之砂堆與波上下既救免砂堆不見也人

愈謂好生之報

蔡泗下家乘

張侍郎為蕪州司理時嘉定黃公淳耀與童子試一見目為國士拔第一訓勉甚至後每得南畿試錄無黃名輒拊膺歎曰蘊生不中科目為失人矣黃卒成名殉義明季逆璫獄起始於鄧希詔之造奸成於梁四之濬構事露法司奉命會審時張公承詔為刑部侍郎方具奏

忽命東廠王之心主之同衛司覆審王璫護黨盛氣酷刑必欲易辭翻案且懾張以禍福公曰吾法司知有法耳遂具疏確執前辭竟以忤旨罷事詳邑人朱允恭張

公墓志

蔡泗下家乘

明少司馬總督河道黃公希憲初名金貴計偕時與張公承詔舟覆楊子江以救得活改字又生後模南宮歷蕪松巡撫恩威並著事詳蘊志蕪民歌思之曰是又生我也語具廣輿記遭江左亂出亡歿於紹興一子友蘊字子瞻在里中以赴義死家蕩析無遺順治間有上高孝廉曹某公車過越偶憇一寺中有尼撫十歲兒出與語



鄉里告以故泣拜曰我黃公之妾某氏也撫此兒為主  
舍護遺說日夜望子瞻來今已矣為語其從子子范來  
取以歸吾老空門無憾孝廉歸語其事子范竟不赴後  
其家降乩仙大署希憲至判一詩云十年流落在他鄉  
今再重遊畫錦堂自謂文章能濟世誰知時代有更張  
鳳毛濟美人何在鴈塔題名夢一場子職未全君未報  
徒懷忠孝兩相傷時子瞻之婦在傍跪請曰夫人極在  
何處兒來奔歸即判云青山隱隱路迢迢弱女焉能涉  
此遙衆皆目子范子范有難色復判云猶子受恩當報  
答人情反面似鴛鴦遂擲筆逝

恭府志

邑東萬年橋明嘉靖間建或傳於蘇橋移造考蘇州府志  
云胥門舊無橋乾隆五年始建方伯徐士林記俗傳按  
有橋分宜柄國時吳中大吏徹以媚之攷分宜萬年橋  
記述採石之役舟運山伐積以歲月果移胥橋何待累  
年且致別碑有云宏治辛酉胥門浮橋興爾時橋當無  
恙何以興浮橋也據此則俗說之妄蘊志已力辨之  
明季邑北挺秀鄉夜戕一盜不知其人誰何也盜之族遂  
誣諸生林嘉會弟嘉會挺然以身代就拘赴臨江獄盜  
族方以賄進當道訝其非庶民家物遂矜疑出嘉會獄  
保釋歸雖家資緣尾追將加以不測事覺過一神廟卜

藏得只在蘆花淺水邊之句悟曰吾當匿小澗可免明日取他徑行未幾路迷遇一道士口授一調不甚可曉引至村店中忽不見所與語後多奇驗

張獻忠 屠哀分黨肆掠過邑其散馬蹂躪村落甚毒林氏

方人卜

叩祖祠神主為之動搖跪就以其族避得免

熙甲寅之卯間北境棚寇復戕其黨有來報者語嘉會

曰公於我有活命恩明日賊且至矣又卜於祖祠祠門

忽墜落走避如前其弟海若稍濡滯被執罵賊而死

崇正癸未冬左兵慘殺居民無地可避七班良家坊地方

避入毬嶺洞左兵以火熏之死八百餘人僅二人孰

洞徑從石孔中出邑令曹國祺命坊耆詣洞視觀

則自後避兵者宜以林田毬嶺為鑒

左兵入境凡界上未有不到未有不殺殺而至於滅門或

肉寸割置火燒之或以髮繫梁上用亂箭射死或以油

者熬酒活人肉或駕大炬放人於火其他搜夾砍傷所

不肯用從來兵禍未有如此毒虐者總之左兵萬萬不

肯殺賊萬萬不肯不殺盡百姓

霍太守於兵後吊死問生備極哀痛收拾郡城骸骨一萬

八千餘屍其餘四鄉滿山遍野有不止以十萬餘計者

而朱知縣反以夫

郡邑士民戴白穿凶十居



七八至於夫不取也。其言亦無以語其夫。在在。然矣。  
當時巡撫郭都賢不逃回南昌。則亂民不起。土賊不致  
入城。左兵亦不至毒虐至此極。

黃炬二黃公承元之仲兄也。少負奇概。以膂力自雄。明末  
左良玉部兵四出殺掠。將入境。炬二年方二十。率鄉勇  
數十人禦之。後中箭卒。然合鄉得以遠避無患。則炬二  
之烈為不朽云。

國朝順治丁亥奇荒。二三四五月。餓死者不可勝數。有一  
老人極貧。僅餘一月糧。曰前輩有言。人日食米一合。可  
數月不死。不然。男僅五日。女僅七日耳。乃以其米分食。

之日。食一合。襍野菜中啖之。果得不死。亦備荒者所宜

知也。  
舊縣志

順治四年。青黃不接。邑北大饑。斗米千餘錢。恩貢生嚴公  
一桂捐米數千石。設廠煮粥。以濟饑民。旬就食日工  
餘。人有傷飽病斃者。忽一道貌老人。不道姓名。向一妪  
語曰。君行美事。而賑饑未得法。饑者腸胃受虧。遠來喘  
息未定。須令其坐用甘草湯。和其胃。徐以茶汁飲之。少  
頃。粥食勿令過飽。一桂方款謝。忽不見。如法行之。果大  
效。父老歷傳。以為盛德事。  
鈐北紀聞

宜有五臺三峽。在分宜境者。臺一峽二。名勝志載袁州五

臺自宜春臺而外有仙女鳳凰二臺又彭氏側臺湖岡  
臺俱在五臺之數然湖岡臺釣臺在漢以後非當日漢  
宜春侯劉成所立城中之五臺也而仙女臺則極分宜  
其三峽中如昌峽鐘峽皆分宜境 泰道志

邑北十里店赴昌山其間人烟稀少有地名虎落塘著康  
熙丙戌一無名子被傷死在通衢時邑令周操守介而  
性執拘疑附近居民謀殺遂拘某刑求極口稱冤後遣  
役偵訪牽連無辜閱數月為文告城隍神設公座其旁  
鞠治將施刑忽天晝晦雷電風雨交作一巨蛇自屋梁  
墜落公座觀者千餘人無不駭嘆周亦悔立釋其人

作疑案後數年安福移文關白前案乃知合夥人圖佔  
其妻說云其夫病死遺言感其情令妻歸之妻歸某家  
年舉兒女矣某一日大醉自言前狀妻遂鳴諸官抵法  
事乃得白時周已去任後因其弟協鎮袁州過詢前事  
知其詳猶為深悔云 銓北紀聞

水南村民范某家有鬼憑女孩為祟放火燒衣物闔室苦  
之延師巫治不少已或曰新令尹威嚴如神盍以告民  
如其言時知縣趙願立署其贖准勘訊親詣其家設座  
排衙出女鞠問無所得因周覽所居宅外有菱竹一叢  
舊為五顯神所附命役檜以至據案大叱之曰何物枯



竹乃敢為厲杖之四十應手蓋粉仍聚火蒸之投箸二  
其怪遂絕府志

歐陽從姑氏甲子春適姑婿尚志悵所天之遠遊愁新地  
之難縮蘭不入夢僅弱女兮相依雁既長征憶故碣石  
獨處廿二年艱難備歷三百篇發憤誰陳燕武窮愁  
幸還轅有日樂昌離別終嗟合鏡無時迴曲效乎清  
遂聲成乎變徵其詩曰三春風色上愁顏二十年來人  
未還欲涉高岡愁我馬雲峯端作望夫山白雲峯破鏡山名  
何時許再圓藜砧一去幾經年南鴻比燕無消息虛費  
香閨買卜錢 堂上椿萱有老親白頭同念未歸人為

即甘旨為郎奉寸草心乖愛日春 行役頻年感曲

懷人心緒自忡忡木蘭女子生何晚難向黑山山下逢

黃鵠年來慣獨飛那知雲路故相違如今薄命同秋

葉葉落辭枝不再歸嚴思滿潛  
莽別稿

